

卷七

書名 群書考索前集六十六卷 正德十三年建
陽劉氏慎獨書齋刊本
撰者 宋 章如愚 撰
卷 卷七
內容分類 子 類書 彙考 宋
索書號 子部 類書 17
編號 C5930500

彩色首頁1

[東洋文化研究所漢籍目錄 編號: C5930500](#)

[東洋文化研究所漢籍目錄所藏漢籍善本文影像資料庫 索書號: 子部 類書 17](#)

[漢籍善本文影像資料庫文本群書考索前集六十六卷 正德十三年建陽劉氏慎獨書齋刊本](#)

版權所有: [東京大學](#) [東洋文化研究所](#)
[使用上的注意事項](#)

群書考索卷之一

。六經門

易類

易學傳授之圖

山堂先生章俊卿編輯

建陽知縣區玉刊行

縣丞管韶校正

羅源知縣徐珪校正

王同周王孫

丁寬

服生

施璧

孟喜

京房

梁丘賀先事京房更

魯伯張禹趙贇

梁丘賀先事京房更

前集

晉著作郎樂資乃追采二史撰為春秋後傳其書始以周平王續前集
魯哀公于後至王赧入秦又以秦文公之繼周終於二世之滅合成三
十卷漢獻帝命荀悅為續年體依附左傳著漢紀三十篇自後漢至於
高齊如張璠孫盛于寶徐賈裴子野吳均何之元王劭等其所著書或
謂之紀或謂之略或謂之志雖名各異大抵皆體左傳以為的準

索卷之六

群書考索卷之七

前集

山堂先生章俊卿編輯

建陽知縣區王刊行

六經門 教諭 璋 校正

六經總論上

漢諸儒

漢興言易自淄川田生言書自濟南伏生言詩於魯則申培公於齊則
轅固於燕則韓太傅言禮則魯高堂生言春秋於齊則胡毋生於趙則
董仲舒及竇太后崩武安君田蚡為丞相黜黃老刑名百家之言延文
學儒者以百數而公孫弘以治春秋為丞相封侯天下學士靡然鄉風
矣弘為學官悼道之鬱滯廼請博士官置弟子五十人復其身太常擇
民年十八以上儀狀端正者補博士弟子郡國縣官有好文學敬長上
肅政教順鄉里出入不悖所聞令相長丞上屬所二千石二千石謹察

可者常與計偕詣太常得受業如弟子一歲皆輒課能通一藝以上補文學掌故缺其高第可以為郎中太常籍奏即有秀才異等輒以名聞其不事學若下材及不能通一藝輒罷之而請諸能稱者臣謹按詔書律令下者明天人分際通古今之誼文章爾雅訓辭深厚小吏淺聞弗能究宣請選擇其秩比二百石以上及吏百石通一藝以上補左右內史卒史比百石以下補郡太守卒史皆各二人邊郡一人先用誦多者不足擇掌故以補中二千石屬文學堂故補郡屬備員請著功令自此以來公卿大夫士吏彬彬多文學之士矣昭帝時舉賢良文學增博士弟子員滿百人宣帝末增倍之元帝好儒能通一經者皆復郡國置五經百石卒史成帝末增弟子員三千人平帝時增元士之子得受業如弟子勿以為負歲課甲科四十人為郎中乙科二十人為太子舍人丙科四十人補文學掌故前漢書

光武中興愛好經術四方學士莫不抱負墳策雲會京師范升陳元鄭興杜林衛宏劉長桓榮之徒繼踵而集於是立五經博士各以家法教

授後漢書有施孟梁丘京氏尚書歐陽大小夏侯詩齊魯韓毛禮大小戴春秋嚴顏凡十四博士太常差次總領焉建武五年乃修起太學中元年

初建三雍明帝尊養三老五更饗射禮畢帝正坐自講諸儒執經問難

於前冠帶縉紳之人圍橋門而觀聽者蓋億萬計其後復為功臣子孫

四姓末屬別立校舍搜選高能以受其業自期門羽林之士悉通孝經

匈奴亦遣子入學濟濟乎洋洋乎盛於永平矣建初中大會諸儒於白

虎觀考詳同異肅宗親臨稱制如石渠故事顧命史臣著為通義又詔

高堂生受古文尚書毛詩穀梁左氏春秋雖不立學官然皆擢高第為

講郎所以網羅遺逸博存衆家孝和亦數幸東觀自安帝薄於藝文博

士倚席不講順帝感翟酺之言乃更脩費宇補弟子增甲乙之科靈帝

詔諸儒正定五經刊於石碑為古文篆隸三體書法以相參檢樹之學

門使天下咸取則焉後漢書田何傳易授丁寬丁寬授田王孫王孫

授沛人施雠東海孟喜琅邪梁丘賀由是易有施孟梁丘之學又東郡

京房受易於梁國焦延壽別為京氏學又有東萊費直傳易授琅邪王

橫為費氏學本以古字號古文易又沛人高相傳易授子康及蘭陵毋
將末為高氏學施孟梁丘京氏四家皆立博士費高二家未得立建武
中范升傳孟氏易以授楊政而陳元鄭眾皆傳費氏易其後為融亦為
其傳融授鄭康成康成作易注荀爽又作易傳自是費氏興而京氏遂
衰。濟南氏生傳尚書授濟南張生及千乘歐陽生歐陽生授同郡兒
寬寬授歐陽生之子世世相傳至曾孫歐陽高為尚書歐陽氏學張生
授夏侯都尉都尉授族子始昌始昌傳族子勝為大夏侯氏學勝傳族
兄子建建別為小夏侯氏學三家立博士又魯人孔安國傳古文尚書
授都尉朝朝授膠東庸譚尚書古文學未得立中興北海宇融習大夏
侯尚書東海王良習小夏侯尚書沛國桓榮習歐陽尚書榮世習相傳
授東京最盛扶風杜林傳古文尚書林同郡賈逵為之作訓馬融作傳
鄭康成注解由是古文尚書盛顯于世。魯人申公受詩於浮丘伯為
作詁訓是為魯詩齊人轅固生亦傳詩是為齊詩燕人韓嬰亦傳詩是
為韓詩三家皆立博士趙人毛萇傳詩是為毛詩未得立中興後鄭眾

賈逵傳毛詩後馬融作毛詩傳鄭康成作毛詩箋。魯高堂生漢興傳
禮七十篇後瑕丘蕭奮以授同郡丘蒼蒼授梁人戴德及德兄子聖沛
人慶普於是德為大戴禮聖為小戴禮普為慶氏禮三家皆立博士孔
安國新獻禮古經五十六篇及周官經六篇前世傳其書未有名家中
興以後亦有大小戴禮博士雖相傳不絕然未顯於儒林者建武中曹
充習慶氏學傳其子褒遂撰漢禮中典鄭眾傳周官經後馬融作周官
傳授鄭康成康成作周官注康成本習小戴禮後以古經校之取其義
長者故為鄭氏學康成又注小戴所傳禮記四十九篇通為三禮焉。
齊胡毋生傳公羊春秋授東平嬴公嬴公授東海孟卿孟卿授魯人眭
孟眭孟授東海嚴彭祖魯人顏安樂彭祖為春秋嚴氏學安樂為春秋
顏氏學又瑕丘江公傳穀梁春秋三家皆立博士梁太傅賈誼為春秋
左氏傳訓詁授趙人貫公建武中即興陳元傳春秋左氏學時尚書令
韓歆上疏欲為左氏立博士范升與歆爭之未決陳元上書訟左氏遂
以魏郡李封為左氏博士後群儒蔽固者數廷爭之及封卒光武重遷

衆議而因不復補

前漢儒林傳贊云自武帝立五經博士開弟子員設科射策勸以官祿
訖於元始百有餘年傳業者寔盛支葉蕃滋一經說至百餘萬言大師
衆至千餘人蓋祿利之路然也初書惟有歐陽禮石易楊春秋公羊名
家而已至孝宣世復立大小夏侯詩大小戴禮施孟梁丘易穀梁齊
秋至元帝世復立京氏易平帝時又立左氏春秋毛詩逸禮古文尚書
所以網羅遺失兼而存之是在其中矣。自丁寬施雠孟喜梁丘賀京
房費直高相則言易自伏生歐陽生林尊夏侯勝周堪張山附孔安國
則言書自中公王式韓嬰補子毛公則言詩自高堂生及孟卿則
言禮自胡毋生嚴彭祖顏安樂公則言春秋
後漢儒林傳自劉昆注升仕安楊政張興戴憑孫明則言易自歐陽歆
牟長宋登張馴尹敏周防孔僖孫倫則言書自高堂包咸魏應伏恭佳
宋景憲許漢杜無名則楊仁趙麟術宋則言詩董鈞則言禮自丁恭
澤鍾興阮字模望程曾張元李育何休服虔謝該言春秋許謹則五經

無雙系元則學通五經。樊脩刪定公羊嚴氏春秋章句世號樊侯學

前漢藝文志云近世經傳世以牟氏傳學者又不思多聞闕疑之義而

務碎義巧說說五字之文至於二三萬言後進彌以靡故幼童而守

一藝白首而後能言安其所習毀所不見終以自蔽此學者之大患也

元譚新論云秦近君說。丁寬漢田何受易復從周王孫受古義從易

說三萬言訓故舉大誼景帝時寬為梁孝王將軍距吳楚。梁丘寬宣

帝行祠昭廟先歐雉頭劔挺墮墜刃向乘輿於是召賀筮之。京氏從

焦贛其易其說長於災變分六十卦更直日用事以風雨寒溫為候奏

考課吏法公卿皆以房言煩碎不可行因言石顯專權為顯所譖棄市

。費直以彖象繫辭十篇文言解說上下經。伏生孝文時求能尚書

者天下無有聞伏生治之老不能行於是詔太常使掌故龜錯往受之

。夏侯勝霍光欲廢昌邑勝言洪範傳光以此益重經術士勝始從夏

侯始昌受尚書及洪範五行傳說災異又從歐陽氏問為學情熟所問

非一師善說禮服當宣帝時議廟樂下獄黃霸從勝受經獄中初勝從

父子建自師事勝又從五經諸儒問與尚書相出入者率引以次章句其文飾說勝非之曰建所謂章句小儒破碎大道建亦非勝學既略難以應敵建卒自顯門名經。孔安國孔氏有古文尚書安國以今文字讀之因以起其家得逸書十餘篇蓋尚書茲多於是矣。司馬遷亦從安國。王式以三百五篇諫昌邑。韓嬰作內外傳。高堂生傳士禮十七篇。徐生魯徐生善為頌孝文時以頌為禮官大夫。房鳳為與王龔劉歆共校書歆曰春秋左氏可立共移書責太常。劉昆受施氏易能彈雅琴知清角之操注云昔黃帝作為清角後為洪農太守虎渡河。注丹作易通論七篇。景瑗理齊詩兼受河洛圖緯作易說及注解兼取河洛以類相從各為文集又撰禮內外記自號曰禮畧又抄風角雜書列其占驗作輿道一篇及作月令章句。衛宏少與河南鄭興俱好古學初謝曼卿善毛詩及為其訓宏從曼卿受學因作毛詩序善得風雅之旨從杜林更受古文尚書為作訓有初宏作漢舊儀四篇

為博士時草創五郊祭祀及宗廟禮樂威儀章服輅令鈞梁議多見從用。李育習公羊春秋嘗讀左氏傳雖樂文來然謂不得聖人深意作難左氏義四十一事。何休作公羊解詁以春秋駁漢事六百餘條妙得公羊本意休善歷筭與其師追述李育意以難二傳作公羊墨守左氏膏肓較梁廢疾。服虔有雄才善著文論作春秋左氏傳解行之至今又以左傳駁何休之所駁漢事六十條。謝該建安中樂詳條左氏疑滯數十事以問該皆為解之名為謝氏釋。許謹以五傳說臧否不同於是撰為五經異義。又作說文解字十四篇。鄭康成始通京氏易公羊春秋三統歷九章筭術三統歷劉歆作九又從東郡張恭祖受周官禮記左氏春秋韓詩古文尚書以山東無足問者乃西入關因盧植事扶風馬融時何休好公羊學遂著公羊墨守左氏膏肓較梁廢疾康成乃發墨守鍼膏肓起廢疾休見而歎曰康成入吾室操吾矛以伐我乎中興以後苑升陳元李育賈逵之徒爭論古今學後馬融居北地太守劉瓛及康成答何休義據通深由是古學遂明孔融深敬於康成

徒獲造門表紹使學康成皆不就後門人相與撰康成答諸弟子問五經依論語作鄭志八篇凡康成所注周易尚書毛詩儀禮禮記論語孝經尚書大傳中候乾象曆又著天文七政論魯禮禘祫義六藝論毛詩譜駁許慎五經異義各臨孝存周禮難凡百餘萬言康成贊於辭訓通人頗譏其繁至於經傳治熟稱為純儒齊魯間宗之。**論曰**自秦焚六經聖文埃滅漢興諸儒頗修藝文及東京學者亦各名家而守文之徒滯固所稟異端紛紜互相詭激遂令經有數家家有數說章句多者或乃百餘萬言學徒勞而少功後生疑而莫正康成括囊大典網羅衆家刪裁繁詘刊改漏失自是學者略知所歸范甯每考先儒經訓而長於康成常以為仲尼之門不能過也及傳授生徒而專以鄭氏家法。**鄭興**字少贛學公羊春秋晚善左氏傳從劉歆講正大義撰條例章句傳詁及校三統歷隗囂虛心禮請而興恥為之屈建武中杜林薦興因日食上疏帝問興郊祀事曰吾欲以識斷之何如興數言政事依經守義文章溫雅然以不善識故不能任後興與吳漢俱擊公孫述留也成都初

興好古學尤明左氏周官長於歷數自杜林互譚衛宏之屬莫不斟酌焉世言左氏者多祖於興而賈逵自傳其父業故有鄭賈之學。**鄭衆**字仲師即少贛之子也從父受左氏春秋明三統歷作春秋難記條例兼通易詩知名於世初梁松以繡帛聘請衆不從及梁氏事敗賓客多坐之唯衆不樂於辭顯宗遣衆持節使匈奴虜欲令拜衆不為屈意氣勇壯雖蘇武不過復與馬廖擊車師使護西域是時肅宗議復鹽鐵官衆諫以為不可。**范升**習梁丘易時韓歆欲為費氏易春秋左氏立博士升曰左氏不祖孔子而出於丘明無因得立遂與韓歆許淑等互相辨難升曰京費已行次復高氏春秋之家又有騶夾如令左氏費氏得置博士高氏騶夾五經奇異並復求立各有所執牟氏分爭從之則失道不從則失人謹奏左氏之失凡十四事時難者以太史公多引左氏升又上太史公達夾五經謬孔子言及左氏春秋不可錄三十一事。**陳元**習左氏春秋建武初元與互譚杜林鄭興俱為學者所宗范升欲不立左氏元曰丘明祖授孔子而公羊穀梁傳聞於後世故詔立左

氏以李封為博士會封卒左氏復發初元上疏不宜使有司然公輔之名。賈逵字景伯父徽從劉歆受左氏逵傳父業弱冠能誦左氏傳及五經本文以大夏侯尚書教授雖為古學兼通石家穀梁之說尤明左氏傳國語為之解詁五十一篇永平中上疏獻之顯宗重其書寫藏秘館時有神雀五采色帝問逵逵傳物多識對曰昔武王終父之業驚鷺在岐宣帝威懷戎狄神雀仍集此胡降之證也帝勅蘭臺給筆札使作神雀頌與班固校秘書肅宗好古文尚書左氏傳詔逵入講北宮白虎觀南宮雲臺帝善逵說使出左氏傳大義長於二傳者逵於是具條奏左氏三十事尤著明者皆君臣之正義父子之紀綱至如祭仲紀季伍子胥淑術之屬左氏義深於君父公羊多任於權變又五經家皆無以證圖讖明劉氏為堯後者而左氏獨有明文五經家皆言顓頊代黃帝而堯不得為火德左氏以為少昊代黃帝如今堯不得為火則漢不得為赤其所發明補益實多帝嘉之令逵自選公羊嚴顏諸生高才者二十人數以左氏數為帝言古文尚書與經傳爾雅詁訓相應詔選歐陽

大小夏侯尚書古文同異逵集為三卷復令撰齊魯韓詩與毛氏同異并作周官解故乃詔諸儒各選高才生受左氏穀梁春秋古文尚書毛詩由是四經遂行於世逵所著經傳義詁及論難百餘萬言又作詩頌誄書連珠酒令凡九篇學者宗之論曰鄭賈之學行乎數百年中遂為諸儒宗亦徒有以焉爾豆譚以不善識流亡鄭興以遜辭僅免賈逵能附會文致最差貴顯世主以此論學悲哉。桓榮字春卿習歐陽尚書榮為太子少傅賜以輜車乘馬榮大會諸生陳其車馬印綬曰今日所蒙稽古之力可不勉哉顯宗辟雍初成拜榮為五更。丁鴻從榮受歐陽尚書鴻當襲封上書遂國於弟盛逃去友人鮑駿責之曰春秋之義不以家事廢國事鴻感悟乃還就國後駿言鴻經學至行顯宗召鴻說文侯之命篇拜侍中肅宗詔鴻與諸儒樓望成封桓郁賈逵等論定五經同異於北宮白虎觀帝親稱制臨決鴻以才高論難最明諸儒稱之帝數嗟美焉時人歎曰殿中無雙丁孝公。馬融字季長初摯恂以儒術教授名重關西融從其游學博通經術大將軍鄧騭門名召

為令人不肯應命客於涼州既饑困乃悔而歎息遂往應陽召書東
觀時俗儒世士以為文德可興武功宜廢遂寢蒐狩之禮息戰陳之法
故猾賊從橫乘此無備歟以為文武之道聖賢不墜上廣成頌以諷諫
謂宜講武校獵重述蒐狩之義頌奏忤太后鄧氏熈於東觀十年不得
調安帝時車駕東巡岱宗融上東巡頌歟才高博洽為世通儒鼓琴吹
笛不拘儒者之節嘗欲訓左氏春秋及賈逵鄭衆注乃曰賈君精而不
博鄭君博而不精既精既博吾何加焉但著三傳異同說注孝經論語
詩易二禮尚書列女傳老子淮南子離騷所著賦頌碑誄書記表奏七
言琴歌對策遺令凡二十一篇初歟懲於鄧氏不敢復違忤執家邊為
梁鼻章奏又作大將軍西第頌以此頌為正直所羞○蔡邕字伯喈師
事胡廣好辭章數術天文妙操音律感東方客難及楊雄班固崔駰之
徒設疑以自通作釋詁揚雄作解嘲班固作校書東觀邕以經籍去聖
久遠又字多謬俗儒穿鑿疑誤後學乃與堂谿楊賜丹賜等正定六經
文字邕乃自書工於碑使單麟刻立於太學門外於是後儒晚學咸取

唐諸儒

唐高祖天下略定即詔國學置生負太學四門學郡縣學生負各有差
又詔宗室功臣子孫就秘書外省別為小學太宗銳情經術即王府開
文學館召名儒十八人為學士與議天下事既即位置弘文館悉引內
學士番宿更休聽朝之間則與討古今道前王所以成敗或日晏夜久
未嘗少怠正觀六年詔能通一經者得補吏并置書算二學皆有博士
自元武屯營飛騎皆給博士授經能通一經者聽入貢又麟正五經謬

缺頒天下示學者與諸儒粹城出章句為義疏因詔前代通儒梁皇侃
和昇褚仲都周熊安生沈重陳沈文阿周洪正張譏隋何妥劉炫子孫
並加引擢於是唐三百年之盛稱正觀元宗詔群臣及府郡縣有經士

而褚元量馬懷素等勸講禁中置集賢院部分典籍乾元殿傳寫群書至六萬卷經籍大備又僱開元焉祿山之禍兩都所藏一為炎埃自楊綰鄭餘慶鄭覃等以大儒輔政議優學科先經議黜進士後文辭亦非能克也文宗定五經鑒之石張參等是正訛文寥寥一二可紀由是觀之始未嘗不成于艱難而後敗於易也。陸德明撰明名元朗以字行蘇州吳人善名理言受學於周弘正為國子博士論撰甚多傳於世後太宗閱其書嘉德明博辯以布帛二百段賜其家。顏師古注班固漢書時人謂杜征南顏秘書為左丘明班孟堅忠臣急就章。孔穎達穎達與顏師古受詔撰五經義訓凡百餘篇號義贊詔改為正義云雖包貫異家為詳博然其中不能無謬允博士馬嘉運駁正其失詔更令裁定永徽二年詔國子三館學士考正之於是于志寧張行成高季輔魏知增預書始布下正觀中講以能問於不能。蕭德言太宗欲知前世得失詔魏證虞世南褚亮及德言襲次經史及百代帝王所以興衰上之帝愛其書傳而要曰使我稽古臨事不惑者公等力也。敬播行

顏師古撰次隋史詔攝詣秘書內省參纂又與令狐德棻等撰晉書始攝許敬宗撰高祖實錄又撰太宗實錄房元齡嘗稱播陳壽之流乎元齡患顏師古注漢書文繁令撰其要為四十篇是時漢書學大毀其章者若劉伯莊秦景通兄弟劉訥言皆名家。路敬淳唐初姓譜學惟敬淳名家其後柳冲韋大蕭穎士孔至各有撰次然皆本之路氏。王元感撰書糾謬春秋振滯禮繩愆等凡數十百篇魏知古見其書歎曰五經指南也而徐堅劉知幾張思敬等薦之下詔褒美以為儒宗。褚無量初內府舊書自高宗時藏宮中甲乙叢例無量建議請繕錄補第以實秘書天子詔於東都乾元殿東指部彙整比無量為之使因表盧僊陸去泰王擇從徐楚璧分部讎定又詔秘書省司經局昭文崇文一館更相檢讎采天下遺書以益缺文不數年四庫完治帝西完徙書麗正殿更以脩書學士為麗正殿直學士復詔無量就麗正纂續前功。元行冲先是馬懷素撰書志褚無量校麗正四部書業未卒相次物故詔行冲代之元宗自註孝經詔行冲為疏立于學官。敬勳淹該

經術善為春秋考三家短長號集傳九十年乃成後先其綱條為例統
切愛公穀二家以左氏解義多謬

群書考索卷之八

前集

山堂先生章俊卿編輯
建陽知縣區玉刊行
縣丞管韶校正

。六經門

六經總論下

經籍者機神之妙旨聖哲之能事學之者將殖焉不學者將落焉寔仁
義之陶鈞誠道德之橐籥也其為用大矣故曰不疾而速不行而至今
之所以知古後之所以知今其斯之謂也是以大道方行俯龜象而設
卦後聖有作仰鳥跡以成文書契已傳繩木棄而不用史官既立經籍
於是興焉夫經籍也者先聖據龍圖渥鳳紀南面以君天下者咸有史
官以紀言行言則左史書之動則右史書之故曰若舉必書懲勸斯在
考之前載則三墳五典八索九丘之類是也下逮殷周之世史官充備